

Brief a Hans

15. Mai 2001

Brief a Hans

Text: Jacob Stichelberger
Musik: Georges Brassens

D Bm A7 D D Bm A7 D
Lie - be Hans a di ha - ni gloubt du bisch - ne doch gsy ti - ber - houpt

5 D Bm A7 D D Bm A7 D
ghö - re si no hüt dy - ni Wort: nu - me ja nie am glych - li - gen Ort hesch mer.

9 Em Bm7 F#7 Em Bm A7 D
gseit sigsch geng uf Rei - se bim Ver - wy - le tätsch ver - grei - se hesch mer

13 Em A7 F#m Bm Em A7 Am6 B7
gseit bim Rasch - te gäbs Roscht wo du wonsch wüss nid e - mal d'Poscht lie - be

17 Em F#7 Bm D E7 A7 D
Hans jitz chum - i nüm drus ha ver - noh du bousch dir es Hus

1. Liebe Hans a di hani gloubt
du bisch ne doch gsy - überhoupt
ghöre si no hüt dy ni Wort:
nume ja nie am glychligen Ort
hesch mer gseit sygsch geng uf Reise
bim Verwyle tätsch vergreise
hesch mer gseit bim Raschte gäbs Roscht
wo du wonsch wüss nid emal Poscht -

liebe Hans jitz chumi nüm drus
ha vernoh du bousch dir es Hus
2. Liebe Hans dys Credo isch gsy
me muuri sech sälber nid y
Hütte bringen nüt als Verdruss
ds schönschte Zimmer das sygi vorus
wo me z'Nacht ghört ds Bächli rusche
sones Zimmer würdsch nie tusche
gäg ne Schlag im Fufstärnhotel -
gäg nes Dach bisch prinzipiell -

liebe Hans jitz chume nüm drus
säg isch wahr bousch du dir es Hus?
3. Liebe Hans am liebschte wärsch blutt
dr Rychtum macht d'Mönsche kaputt
für di sälber nimsch dr zum Mass
dr Diogenes wo i sym Fass
ohni Sorge chöni läbe
ohni Bankkrediten äbe
gschydli Lüt wie dä Philosoph
myde Zügs wie Hus oder Hof -

liebe Hans jitz chumi nüm drus
gäll du bousch nid öppen es Hus
4. Liebe Hans du chasch nid versta
was e Bürger nid alles mues ha
ohni Chemine chan er nid sy
dra sitzt er und trinkt es Glas Wy
silbrig Cherzehalter tischer
uf e Tisch vom Möbel Pfischer
Hans i weis i eigne vier Wänd
packt di ds Gruuse - aber Momänt:

liebe Hans i chume nüm drus
denn i gseh dur bousch dir es Hus
5. Liebe Hans jitz tschuderets mi
i weis nid ischs würklech no di
Hans hüt fahrsch du zäme vor Schreck
bim Zins vo dr Zwöithypothek
steisch im Husgang i de Finke
gisch de Blüemli öppis trinke
wo versteckt si hinderem Zuun
hesch drby e grätige Luun

liebe Hans mit dir isch es us
denn i gseh du hesch jitz es Hus